

LVDOVICVS PEREZ

RAMIREZ MEDICVS HISPAN-
lensis, & in Hispalensi Vniuersitate pri-
marius medicinæ professor.*Doctori Ioanni de Saavedra insigni medico, &
in eadem Vniuersitate, quondam prima-
rio professori.*

Difficultas controvertenda.

*An. erumpentibus iam morbillis liceat
venam secare.*

ECCE IAM CALAMVM ACCIPIO
(gravis admodū, & erudite Doctor) ecce iam
calamum accipio, à proprio more recedens,
coactus quidem, & lacesitus, & ab honore
compulsus, aliter enim, nec illi, nec pudori meo facere
satis arbitror. Me enim tacenrem, non modò in scriptis,
verum & coram amicis alta voce, iterum atque iterum
ad loquendum provocasti. Accipe ergo, quod ex postu-
lasti, non vulgari autem sermone, indecens enim sem-
per iudicavi, quòd gravia, & difficilia nostra, & tanquàm
oracula veneranda per insipientium, & vetularum ma-
nus non sine irrisione, & magno nostræ artis dedecore,
incedant ad rem ergo deveniēdo nostra difficultas est,
an erumpentibus morbillis vena secanda sit.

Ante huius tamen difficultatis decisionem aliqua
A apprimē

*Quærenda (obser-
uanda) et non
laudabiles censuræ, nō
sunt enim magis viles
ad per eos quod ce re-
est huius malis ex his
et quod, mīrū nō mī-
nus huiusmodi male, et
nova nō facit, nō pla-
cet, etiam si fuerit in
aliam sapientiam op-
er, ut à vulgaribus
ssimi reputentur*

apprime necessaria notanda præmittam; primum est inquirere, quid sit morbillus, & quomodo fiat. De hac re

Avicen. Avicena solum asserit, morbillum variolam esse chole-
fen. 1. 4. ricam, quod si ad caput 5. de variola, eiusdem authoris
tracta. 4. recurrimus, ut natura variolarum cognita, morbillorum
8. inde naturam cõperiamus, ipse quidem variolæ naturam diffinitione cõprehensam tacuit. Quare ex diffinitione, Avic. nihil ferè utile ad morbilli naturam cognoscendam depromi potest. Qua ratione nobis aliter in morbilli natura statuenda procedere liceat. Cùm tamè in morbillo inveniatur febris, & præter hanc inflammatiunculæ quædam parvæ admodum per totam cutim reperiantur, videndum est prius ante diffinitionis positionem, quid per morbillum intelligendum sit, febris ne an inflammatiunculæ. Ego quidem utrumque in morbilli natura comprehendendo existimo, febrem in quam & inflammatiunculas, ad indagandam enim alicuius rei naturam, qualiter illa secundum communem hominum consensum accipiat, inspiciendum est, veluti in morbi natura inquirenda fecit Gal. & cum omnium hominum consensu neque febris absque inflammatiunculis, neque inflammatiunculæ absque febre, sed ambo simul morbillus appellètur, ideo utrumque in morbilli natura contineri tenendum est. Quò fit, quod hic affectus non simplex, sed compositus sit, ideo iuxta hanc rationem morbilli diffinitionem trademus.

Est igitur morbillus febris continens ex sanguine putrido producta cum certa quadam malignitate, ad quam sequuntur inflammatiunculæ minutæ, ac parvæ in cute erumpentes, per resolutionemque terminatæ. Hæc diffinitio optima apparet, constat enim debito genere, & differentia, & totam morbilli naturam comprehendit, quæ ut dilucidetur, illius partes exponere oportet.

Prima

2
Prima particula exponenda est, morbillus est febris continens, in quo quidem (clarissimè Doctor) à tua dissentio sententia, statuis enim in tuo 1. tractat. fol. 2. p. 1. morbillum esse febrem continuam accessionalem, quam plurima enim me movent, ut existimem huiusmodi febrem continentem esse ex sanguine ortam. In primis experientia ipsa testatur, siquidem ferè in omnibus hac febre correptis nullæ inveniuntur accessiones præter eas, quæ aut ratione horarum dici, aut somni, aut alimenti assumpti contingere solent, quod iam aliquos decepit, ut continentes iudicent accessionales. Præterea hæc febris eos adoritur non modò facilius, verum & gravius etiam, qui secundum ætatem, & temperamentum sanguine abundant, corripit enim cõmuniter pucros, in quibus sanguis ex superat, & ex ijs illos potissimum, qui sanguineo sunt temperamento, & plethorici existunt. Hoc autem evidens me hercule est nota, quòd hæc febris ex sanguine oriatur, at ex sanguine nullam nisi continentem procreari posse, omnis tenet Medicorum schola. Vtèrius accidentia, quæ hanc febrem commitantur, continentem esse, quasi digito ostendunt, magnus enim totius corporis calor, mediocriter acris, rubor faciei, & universæ cutis, delatio in somnum, urina rubra, & crassa (quando hæc inspicere potest, ut in adultis) & hæc absque siti ingente, & linguæ siccitate, quid aliud nisi continentem putridam indicant?

Scio te (gravissimè Doctor) causam tradidisse ob quam licet morbillus producat ex bile, & non ex sanguine siti careat, & linguæ siccitate. Dubitas enim in tuo primo tract. fol. 2. pag. 2. cur si in morbillis, æqualis aut intensior quam in febre ardente, reperitur calor, & utraque ex humore bilioso fiat, in illis non adsit magnasitis, & linguæ ariditas veluti in febre ardente inveniuntur?

tur? & respondes, in febre ardente intensio rem esse putredinem cuius ratione illa excitantur symptomata in maiori intensione.

Quàm tamen laboriosa sit hæc à te tradita solutio, hæc si legas, facile assequeris, in primis remissam, aut nullam in morbillis admittis putredinem cum potius intensa in illis reperiatur, ut infra ostendam. Secundo in febribus putridis intensio caloris sequitur intensiorem putredinis, si putredo est remissa calor est remissus, si intensa, intensus (saltem secundum aliquam rationem) quia ergo ratione febris morbillorum intensior potest fieri ac remissa putredine, & febris ardens remissior excitatur ab intensa putredine? Tertio concedatur in febre ardente intensiorem esse putredinem, adhuc falsa est solutio, nam putredo non causat sitim, neque inducit siccitatem nisi ratione caloris, ergo qualis fuerit calor putredinis, tales erunt sitis & siccitas, sed calor bilis putridæ in febre ardente æqualis est, aut remissior calore febris morbillorum, ergo aut æqualem, aut remissiorem sitim & siccitatem poterit inducere.

Sed in loco citato aliam insinuas solutionem, videlicet, quod bilis ratione putredinis acrior redditur, cum efficit febrem ardentem atque ideo ob acrimoniam causat siccitatem, & sitim.

Neque hæc solutio quidquam valet, nam acrimonia in humoribus acquiritur, aut ratione intensioris caloris, aut ratione intensioris siccitatis, primum constat ex

Galen. 9. doctrina Gal. 9. simpl. dicentis, tantum in esse scito caliditatis, quantum & acrimoniam, secunda causa constat ex eodem, lib. 2. de temp. in quo loco licet æqualitatem intensiōis statuatur in iuvenum, ac puerorum calore, iuvenum tamen acriorem esse affirmat ob intensiorem eorum siccitatem, bilis autem cum in febre ardente putrescit

cit neque sit calidior, neque siccior; ergo neque potest fieri acrior, quod non fiat calidior, quam in febre morbillorum, constat, siquidem non causat febrem intensiorem, sed aut æqualem, aut minorem: quod non fiat siccior, etiam patet, nam omnia, quæ putrescunt redduntur humidiora, ut docet Aristoteles; ergo cum bilis in febre ardente, neque fiat calidior, neque siccior, non potest fieri acrior. Qua ratione in hoc dubio exponendo, alia via tibi incedendum erat.

Hanc nostram sententiam affirmantem morbillorum febrem synochum esse ex sanguine amplectuntur gravissimi authores, ut Holerius, Ioannes Hucherius, Mercatus, Mercurialis, & alij.

Cæterum contra nos videtur esse experientia constat enim plures morbillorum febres esse accessionales, aut hoc modo incipientes, aut continentibus supervenientes.

Ad hoc respondeo de ratione morbilli esse habere febrem continentem ex sanguine, eo quod qualitas maligna in morbillis reperta semper ob analogiam sanguinem inficit, ac putrefacit cum verò accessiones in morbillis continentur, hoc accidit per accidens ratione, alterius febris cum continente complicata, aut simul cum illa incipientis, aut postea ad illam consequentis. Videtur tamen solum esse accessionalis, quia ratione accessionum continens occultatur; re tamen vera continens reperitur, veluti quando aliqua febris continua cum intermittente combinatur, tum temporis intermittens adeo occultatur ratione continuæ; quod Gal. hanc missionem difficillimam vixque explorabilem, iudicet. 2. de crisi. 7. re tamen vera febris intermittens invenitur.

Nec mirum videri debet, quod febris continens possit complicari cum continua accessionali, nam licet in

Arist. 4.
morh. 1.

Hole. lib.
2. de cura
febr. cap.
de exar-
thematis.
etc.

Hucheri
de diata
puerorum
c. de var.
& morb.
Mercuria
lis proprio
cap.
Mercatus
proprio c.

utraq; febre humor intra venas putrescat, in cōtinen-
te tamen in omnibus, aut in maximis vasis hoc fit au-
Galen. 9. thore Gal. in continua verò in venis minoribus, veluti
Matth. 3. in intermittente extra venas, ut docet Gal. 2. de cris. &
5. et mor. 2. de differ. feb. nō enim alia ratione in continuis fiunt
4. 2. de accessiones nisi ex maioribus venis ad minores detrusis
cris. cap. humoribus. Rectè ergo fieri potest, quòd sanguine pu-
3. 6. 12. trescente in vasis maximis, aliqua humoris portio per
2. de duis circuitus ad minora transmittatur inde effectura acces-
feb. 3. sionem. Atque idè bene complicari possunt cōtinens,
& accessionalis. Præterea quando incipit febris conti-
nens, & postea consequitur febris accessionalis, sanguis
ille putridus in venis maximis existens, febrem putridā
excitabit non intermittentem, ut patet, non accessiona-
lem siquidē neque ex sanguine fit febris accessionalis,
neque putrescit in venis minoribus, quemadmodum ad
accessionales requiritur, erit ergo cōtinens. Quarè pos-
se complicari continentem febrem, & accessionalem,
veluti in nostro casu contingit, non est dubitandum.

Dignum tamen est animadversione, quòd quando
combinantur huiusce modi febres, accessiones nō fiunt
in diebus, in quibus separatur humor ad venas mino-
res, quemadmodum cōmuniter in accessionalibus acci-
dit, sed accessiones, seu maiora febris incrementa in die
bus, in quibus humor non separatur, contingunt, remis-
siones autem eveniunt in quibus humor à maioribus
vasis ad minora secernitur & separatur, huius autē even-
tus ratio est, nam quo humor magis distat à corde, eo
remissiorem febrem producit, sed quando humor sepa-
ratur ad vasa minora, magis inde distat à corde, quam
dum in maioribus continebatur, ergo quando humor
separatur ad venas minores, remissiorem febrem produ-
cet, quā dum in maioribus existeret, ac per consequens

4

in diebus separationis humoris fiet remissiones in alijs
verò incrementa. An tamen hoc aliquid ad curationem
utile adducat, ex eo quòd utilius sit in hoc febrium cõ-
plexu, in diebus maioris incrementi venam secare, quia
facilius humor peccans extrahetur, videant docti.

Ex hac doctrina cõstabit ratio, quare febris puncticu-
laris interdum, soleat incipere cum circuitu quartano, li-
cet verè quartana non sit, nam quando hæc febris est
continens, & complicatur statim ab initio cum tertiana
continua, cum tertio die ab in vatione febris separetur
humor, remittitur febris, & in quarto sequente cum nõ
separetur, iterum intenditur, & ex acerbatur febris, &
videtur accessio primo diei per circuitum quartanum
correspondens, & Gal. 3. de cris. istum quartanum cir- *Gal. 3. de*
cuitum in continentibus cognovit asserit enim: *Synochi cris. 4.*
quidem raro eveniunt, & ubi nullis sit error, in quarto finiuntur
percrisim, natura proprijs circuitibus ad crisim perveniẽte, &c.
Ecce Gal. synochum in quarto finiri docet, quia in illo
proprius est synochorũ circuitus, intelligatur tamẽ Gal.
de synocho complicato cum accessionali biliosa, nam
simplex nullam habet accessionem, nec circuitum signa
autem hanc febrium combinationem ostendentia, sunt
quod signa utriusque febris per mista reperiuntur, & ea
ratione potissimum dignoscendam iudico, quod in ac-
cessionalibus simplicibus, febriũ remissio solet esse no-
tabilis, eo quod febris tum temporis accendatur, ex reli-
quijs humoris in venis minoribus post accessionem de-
relictis; cum verò simul cum cõtinente reperiuntur in re-
missione vehemens invenitur febris, utpote quæ conti-
nens sit.

Sequitur postea in diffinitione ex sanguine putrido
producta cum certa quadã malignitate. In quibus ver-
bis ostenditur hanc febrem esse sanguineam, putridam,
& ma-

& malignam. Prius tamen de malignitate dicamus, ab hac enim reliqua dependent. Quod tamen morbillorū febris maligna, sit propriè quidem per participationem malignæ qualitatis, ostendunt symptomata, quæ hanc febrem committantur, omnia enim malignitatem indicant. Ex contagio insuper hoc evidenter cognoscitur, non levis enim hanc febrem contagionis esse participē,

Avicen. experientia tuos docet, & Avicena Fracastorius & alij
sey. c. 4. dixerunt, tantam autem sine malignitate illi in esse cō-
tracta. 4. tagionem non est credendum. Hæc tamen maligna qua-
cap. 5, litas, quæ morbus non est, sed morbi causa, non a primis
Fracasto. neque à secundis qualitatibus immediatè oritur, sed à
lib. 2. de peculiari certaue forma dimanat tanquam potentia
morbis, ca illius generativa, quæ aliam formam similem generare,
pit. 2. sui muneris est. Quó fit, quod ista qualitas, veluti, & quælibet alia potentia generativa mistorum, non possit generare immediatè aliam qualitatem sibi similem, quia ex sua natura non est, data nisi ad suæ formæ generationē. Qua ratione cum audio aliquos asserentes dari febrem malignam absque putredine, eo quòd dicunt qualitatem malignam posse producere aliam qualitatem sibi similem in subiecto non putrido, vix risum contineo.

Maligna autem qualitas cum formam non possit generare, quin dispositionem ad illam requisitam prius producat, idèò hæc qualitas illam dispositionem producit: dispositio autem ad formam misti debita, nulla alia esse potest nisi mistio, hac tamen servata differentia, quòd si forma misti est perfecta mistio debet esse perfecta, sin vero imperfecta, mistio quoque erit imperfecta, forma autem à qua maligna qualitas dimanat, imperfecta est & media tendens ad formas elementorum, atque ideo pro sui generatione imperfectam mitionem requirit, qualis imputredine reperitur. Qua de causa

causa si maligna qualitas debet generare dispositionem ad suæ formæ generationem, & hæc dispositio sit quædam mistio imperfecta qualis in re putrida invenitur, sequitur, quod maligna qualitas, ut introducat suam formam prius putrefaciet subiectum, ut disponat ad illam. De his omnibus in publicis lectionibus latè à me actum est, pro nunc hæc dicta sufficiant ad dicendorum intelligentiam.

Aliqua ex hac doctrina deducamus, primum sit quod dupliciter febris maligna veluti febris morbillorum potest generari. Primo ex corporis dispositione. Secundò per contagium, ex corporis dispositione fit, quando talis ob dispositionem subiecti fit putrefactio, quod reperitur dispositio conveniens pro formæ malignæ generatione (liceat sic loqui) & tum temporis forma præexistente corrupta, generatur illa à qua dimanat maligna qualitas, inhæretque humori, & fit febris maligna. Per contagium autem generatur, hoc modo recipitur intra corpus qualitas maligna, hæc intendens producere suam formam humorem putrefacit, donec humoris forma corrupta suam introducit, à qua dimanat maligna qualitas, & tum temporis incipit febris esse maligna.

Secundò deducitur, quod omnis febris maligna debet esse putrida, & cum morbillorum febris sit maligna necessario debet esse putrida, & non remissa quidem, & levi putridine, sed intensa & sordida, nam cum debeat corrumpi forma præexistens, & alia denuo generari, necessario concedenda est intensa & sordida putredo, qualis ad formam malignæ qualitatis participem generandam requiritur. Vnde manifestè detegitur error (sapientissimè Doctor) in tuo 1. tract. fol. 3. pag. 1. quando asseris in morbillis putredinem esse levem, & remissam.

Tertiò deducitur deceptos iri illos, ut Schéchium, &

alios, qui variolas, & morbillos absque febre vidisse tes-
Schench. tantur, cum hoc secundum doctrinam traditam sit im-
in obs. lib. possibile. Hos tamen viros deceperunt aliquæ inflama-
6. obs. cap. tiunculæ, similes variolis, & morbillis absque febre ulla
12. & malignitate prodeuntes. Veluti & nos iam vidimus
puncticulis violaceis totam cutem cuiusdam pueri mac-
ulatâ omnino similibus illis, quæ in lethali febre punc-
riculari apparent, idque absque febre, & malignitate
ulla.

Quartô deducitur, quòd quando sanguis est iam cau-
sa coniuncta febris morbillorum, iam non habet for-
mam sanguinis, sed aliam formam mediam illi proxi-
mam, in quam degeneravit. Nam cum ad causandam
actualiter, & proximè talem febrè, debet inhaerere san-
guini qualitas maligna, & hæc absque sua forma, à qua
dimanat, reperiri non possit, sequitur necessario iam
debere esse corruptam formam sanguinis, genitam ve-
rò eam quæ qualitatis malignæ est particeps, si tali hu-
mori qualitas maligna in hæret, & ex hoc manifestè se-
quitur non posse dari febrem hecticam verè, & propriè
pestilentem, & malignam, nam antequam talis quali-
tas cordi inhæreât, extinctus erit homo. Quid tamen ad
Gal. contrarium asserentem; dicendum sit alibi a me est
dictum, omitto modò, quia non est huius loci. Dicitur,
tamen hæc febris sanguinea, tum quia in illa invenitur
sanguis putridus sub forma sanguinis existens, actuali-
ter efficiens febrem comitantem malignam antequam
in quam tantam putredinem recipiat, ut corrumpi sit
necessarium: tum etiam quia est causa antecedens illius.

Uterius tamen sciendum est, malignam istam mor-
billorum qualitatem distinctam esse ab alijs qualitati-
bus malignis, & ideo dictum fuit in definitione cū cer-
ta quadâ malignitate, quæ talis est conditionis, ut ana-
logiam

logiam habeat cum sanguine tenui ex eo; quod illius mistio facile in mitionem formæ malignitatis participi convenientem trahi possit. Hanc veritatem ostendunt multa experimenta, morbillorum enim facilis, & cito resolutio nil aliud ostendit nisi materiæ tenuitatē. Præterea quod pueros potissimum invadat, quibus sanguis inest tenuis, hoc etiam indicat. Denique quod in calidissimis, & frigidissimis regionibus hic morbus frequens non sit id demonstrat, nam in calidissimis sanguis præustione crascescit, in frigidissimis verò præfrigidityte cōgelatur. Qua ratione A Etiope dū suam incolunt regionem morbillis non afficiuntur ad nostram tamen translati in hunc morbum facile incidunt, in nostra enim regione tenuiorem quā in propria generant sanguinem, qui paratus est malignitatem recipere. Non tamen inde putandum est, hanc qualitatem non posse inficere sanguinem crassiore, benè enim potest, sed quod tenuiorem adoriatur facilius.

His omnibus dictis manent satis expositæ, & intellectæ particulæ illæ diffinitionis scilicet, a sanguine putrido orta cum certa quadam malignitate.

Sed dicet aliquis si morbillus comitem habet malignitatem, qua ratione accidit aliquos adeo leves apparere morbillos, quod nec vestigium malignitatis obtineant.

Ad hoc respondetur, quod si isti sunt morbilli malignitatē habent; nō tamen se ostēdunt ob parvitatē materiæ accidit enim interdū paucam quantitātē esse dispositam paucamque inde putrefieri, quæ ratione parvæ quantitatis nō potest agere, neque maligna causare symptomata, veluti in ijs variolis accidit, quas vulgus locas appellat, quæ prima transacta febre percutim in parvo numero erumpunt nulla deinceps febre nullisque accidētibus molestantibus.

3
Sed inquireret aliquis, si hæc febris putrida & maligna est, qua ratione potest adeo breviter à natura vinci, quòd in quarto die soleat salubriter terminari.

Huic dubitationi (erudite admodum Doctor) dum satisfacere conaris in tuo 1. tract. fol. 3. pag. 1. & 2. toto coelo aberrare mihi videris. Afferis enim febrem morbillorum ab aumento inciperè, qua propter cum careat principio, pauciora habet percurrenda tempora, quam aliæ febres quæ principium etiã percurrunt, atque ideo cursum illam suum breviori tempore peracturam, est necessarium. Hæc doctrina à bona medicina est aliena, nã licet gratis tibi cõcedamus, quòd humor efficiens morbillorum febrem, non sit omnino crudus, sed semi coctus, tempora quidem febris non incipiunt numerari à coctione, quæ humori inerat ante adventum febris, sed ab illa alteratione denuò adveniente, ob quam febris producit, nam tempora quoad alterationem materiæ considerantur penes eam alterationem, quam vincere tenetur natura, hoc tamen est non quæ ante febrem reperiatur, sed à qua febris dependet, qua ratione in morbillis tempora quoad alterationem non à coctione ante febrẽm habita, sed ab alteratione, ad quam febris sequitur, incipient numerari, & respectu illius datur principium augmentum status, & declinatio, quando enim non dùm, aut obscurè vincit natura illam levem putredinem est principium. Veluti quando ex pure, aut ex alio humore cocto ad aliquam partem decumbente fit tumor, in hoc etiam adest principium quoad alterationem respectu alterationis, quam humor de novo suscepit in tumoris generatione. Vndè dogma perpetuæ veritatis manet, quòd omnes morbi salubres percurrunt quatuor tempora quoad alterationem materiæ, dummodo ab arte aliquibus non priventur.

Cæterum audiamus quæ circa hoc scribis in tuo 2. tract. fol. 13. pag. 1. scribis ergo, quod in febribus ex fervore productis nulla reperiuntur tempora quoad alterationem, quod libenter concedo. Subdis tamen in morbillis non esse tempora, quoad alterationem atque ideo illorum febrem, principio quoad alterationem carere, quod sustinere nequeo, nam si morbillorum febris pedit tantum ex fervore non solum caret principio quoad alterationem verum & reliquis temporibus, male ergo in 1. tract. dixisti carere solum principio; etsi non caret aumento statu, & declinatione quoad alterationem, neque poterit carere principio, neque dependere ex fervore sanguinis, ut in 2. tract. affirmasti.

Neque loca Gal. quæ adducis in 1. tract. fol. 3. p. 2. ad rem sunt, nam in 8. meth. Galenus tantum docuit, quod in primis diebus interdum materia non est valde putrida, sed quod postea ulterius putrescit, quod totum donec manifestetur victoria illius putridinis est principium quoad alterationem. Hoc autem non est incipere ab aumento; neque locus ex 1. de cris. alicuius est momenti, nam licet in primo die appareat coctio non incept febris ab aumento, sed a putridine, quæ in prima die manifeste fuit superata a natura.

*Galen. 8.
meth. 4.*

*Gal. 1. de
cris. 16.*

Nos ergo ad dubium propositum respondemus ideo illam febrem breviter finire primo propter malignæ qualitatis moderatam activitatem (ut communiter accidit) ob quod facilius superari potest. Secundò ob sanguinis febrem efficientis tenuitatem, illius enim ratione facile a natura, tum superari, tum coqui expelli, & resolveri potest. Tertiò, quia hac febre communiter afficiuntur pueri, quorum corpus resolvable humorum resolutionem non remoratur, & ex hac doctrina sumitur ratio, cur adulti cum morbillis corripiuntur gravius ægrotant, & tardius

tardius ab illis liberantur quam pueri, 'cuius causa est,' quia in adultis sanguis est crassior, corpusque minus resolubile, atque ideo gravior redditur affectus, & tardius superatur.

Sequitur tandem indiffinitione ad quam sequuntur inflammatiunculae, &c. Terminatur hæc febris in quadam minutas inflammatiunculas, quæ nunquam suppurantur, quia cito resolvuntur, in quo morbillus à variola differt in hac, enim & tumor maior est, & suppuratur, si æger sanandus sit, uttaque tamen ista inflammatio differt ab alijs parvis tumoribus, qui etiam cum febre procedunt, & sunt veluti quædam vesiculæ aqua plenæ, & in circumferentia rubræ instar cristalli splendentes, quæ ratione ab aliquibus cristalli ob similitudinē appellantur, ut refert Schëchius, qui dùm exeunt variolas simulât adeo, quod sæpè Medicos deceiverint, cæterum malignitatem non habent veluti morbillus, & variola quæ ratione inrer exanthemata maligna tâquam tertia alia species numerari non debent.

Schëchius
lib. 6. obs.
109.

Expellit autem natura morbillos ad cutim (liceat sic inflammatiunculas illas appellare) propter illorum malignitatem, humores enim malignos ad cutim tanquam ad partē ignobiliorem transmittere curat natura, atque ideo quævis ad cutim excretiones per febres non levè, præbent malignitatis suspicionem, illi verò humores ad cutim excreti venas illius replent, earumque ora appetientes, tumoris formam repræsentant, quod idem in variolis accidit immo cum maiori osculorum venarū reclusionē ob humoris, tum copiam, tum crassitudinē maiorem. Qua ratione accidit, quod scarificatis variolis fluxus sanguinis sæpè cōcitur ob dictam venarum appertionem, veluti quâdo punguntur hæmorrhoides, qua de causa consulo, quando cucurbitulæ cū scarifica-

tione

tionem administrantur, quod abstineant chirurgi à variolarum scarificatione.

Et ex hac doctrina colligemus rationem. Quare ferè omnibus accidat variolis, & morbillis laborare, & cur etiam semel tantum id patiantur, raro autè bis, ter autè rarissimè, aut nunquam. Corripiuntur ergo fere omnes prædictis affectibus potissimumque in pueritia, nam puerorum sanguis cum habeat analogiam cum hac maligna qualitate faciliè ab interna, aut ab externa causa concipit putredinem ad illam requisitam, & huiusmodi febrem accendit, quem ut exoneretur natura ad cutim expellit, ipsa quidem, & venarum extremitatibus ob laxitatem promptè recipientibus, quæ dispositio cum in natu maioribus, licet rarò, non impossibilis sit, ideo etiam prædictis morbis afficiuntur. Cum ergo in omnibus ferè pueris, & in adultis aliquando ad hanc febrem dispositio reperiatur ideo, ferè nullus hominum ab his morbis liberatur.

Semel tamen tantum maiori ex parte his morbis afficimur, nam præ nimia caliditate humoris variolas, & morbillos efficientis, adeò exsiccantur, & corrugantur venarum extremitates, quod in posterum ineptæ maneant ad humoris receptionem, qua de causa licet similis febris corripiat semel iam hoc morbo affectos, & natura tentet expellere, quia venæ non recipiunt, prædictæ inflammationes non fiunt, bis tamen repetunt aliquando isti affectus, aut quia ipsi prima vice leves fuerunt & cutim non valde exsiccant, aut quia valde humidum est subiectum, quia tamen bis cuti his morbis affecta, non potest manere in ea dispositio ad recipiendum, aut quam rarissimè, ideo hunc affectum ter repetere nunquam videmus, aut per quam raro.

Et ex dictis constat ratio propter quam semel exsiccatis variolis,

variolis & morbilis licet eadem febris maligna maneat nunquam sit visum, iterum variolas, & morbillos extuberare, est enim ratio venarum osculorum siccitas, & adstrictio, ob quam venæ recipere non possunt, licet natura tentet expellere.

His suppositis circa naturam morbillorum. Secundò dicendum est, an in illorum eruptione (sumitur morbillus pro inflammatiuncula) fiat semper crisis perfecta, & integra, an verò sit symptomatica expulsio?

Pro quo dico primo; in morbillorum eruptione non fit semper crisis perfecta subita scilicet mutatio ad salutem, aliquando tamen eam fieri concedimus.

Hoc quidem est (sapientissimè Doctor) contra præcipuum tuæ sententiæ fundamentum, eo enim nititur, tua de prohibēda venæ sectione opinio. Nostræ autem sententiæ veritas, & tuæ falsitas ex multis constabunt. Primò, quia non semper in morbillorum apparitione fit perfecta crisis, immo non fit crisis multoties & sæpius, ut infra probabo ergo non semper fit crisis perfecta.

Secundò probatur, ut fiat crisis perfecta, tota debet subito expelli materia morbifica, sed difficillimum est, quòd tota subito semper expellatur, ergo difficillimum est, quòd semper fiat crisis perfecta, sed quòd difficillimum est, non semper, sed raro contingit, ergo perfecta crisis non semper, sed raro accidit in morbillis; prima illa minor probatur: ut tota materia subito expellatur omnino, plura simul coniungi est necessarium, sed horū concursus difficillimus est, ergo & ómnimoda materiæ evacuatio est difficillima. Maior huius silogismi nota est in primis requiritur robur naturæ magnum, ut omnino possit expellere. Secundum morbi conditio omnino obediens, & inferior naturæ, in his duabus conditionibus videas, quanta fieri possit proportionis diversitas,

cur enim necessarium est, quod eo ipso quod morbillus sit, necessario ita debeat esse adaptat⁹ humor, & proportionatus naturæ robori ut totus simul expelli possit? nonne aliquoties, aut ratione minoris roboris naturæ, aut multitudinis humoris, aut inæqualitatis, aut viarū, per quas expellitur ineptitudinis poterit expulsio fieri diminutè? Præterea requiritur exquisita humoris cōcoctio, sine qua à natura omnimodam fieri humoris excretionem, est impossibile, semper ergo natura expectat exquisitam coctionem in morbillis ad expellendum? numquam ante ipsam expellit veluti in alijs morbis? in quibus si unam invenimus criticam evacuationem integrā, millia milliū symptomaticarū, & imperfectarum observamus. Deinceps, quod prædicta expulsio indicetur in die contemplatorio, & fiat in decretorio oportet, semper ergo hoc ita cōtingere est necessarium? Deinde evacuatio debet esse peccantis humoris, nunquam natura expellet aliquid utilis, ut aliquantulum debilitata excretionem non perficiat? debet tandem fieri evacuatio per convenientem regionem, nunquam (interrogo) natura distrahitur, & alteram simul tentat evacuationem? quoties invenimus morbillis affectos alvi fluxu laborare? Videas (obsecro) & mente considera quot requirantur ad integram evacuationem, & invenies difficillimum esse, quod omnia simul coniungantur, ac per consequens difficillimum erit, quod fiat omnimoda humoris excretio, & saltem negare non poteris, facilius esse aliquod ex his deficere, quàm quod omnia simul copulentur, & quia quod facilius est frequentius contingit, frequentius ideo accident symptomaticæ, & diminutæ excretionem quàm criticæ & integræ.

Sed volo tibi gratis concedere, quod hæc omnia frequentissimè coincident, ut tamē certus sis de excretionis

nis integritate, non nè hoc signis sensui manifestis asse-
 qui debet? alioqui nõ Medicum, sed Philosophum, aut
 logicum ages, ostende ergo ea mihi, ostendes in primis,
 quod omnia antea dicta simul reperiantur, coctionem
 humoris (interrogo) quod est signum potissimum ad
 bonitatem crisis dignoscendam, ne dicam integritatem,
 qua ratione cognoscis in pueris, in quibus urina Colli-
 gi nõn potest? si hæc in illis cognosci non potest, nescio
 quo pacto certus sis de integritate crisis. Præter hæc
 alia signa propones ex consequentibus perfectâ crism.
 Primum erit, quod facies veluti sanorum habeat colo-
 rem, & quod nõ sit tumida, hoc signum propter morbi-
 llos obscuratur, ecce ex his nihil deprehendere potes.
 Accedat secundum, quod desumitur ex actionibus om-
 nium facultatum ad naturalem statum iam reductis, ex
 hoc enim cognoscimus crism fuisse perfectam, sed
 neque hoc signum tibi quidquam inserviet; nam manet
 febris (ut asseris) & reliqua accidentia, quæ ad illam
 consequuntur, ergo nulla ex hoc signo haberi potest de
 præcedentis crisis integritate certitudo. Sed neque
 tertio magis fidere pòtes ex excremētis desumpto hæc
 enim si ad naturalem statum sint reducta, veluti si urina
 cocta, & naturalis appareat corpus iam bene valere os-
 tendunt; sin minus adhuc superesse materiam indicant.
 Qua de causa, cum tubercula in corpore nascuntur,
 ut comperiatur an aliquis humor in corpore maneat,
 vel totus sit ad extra propulsus, non aliunde quam ex
 excretis dignoscendum docet Hip. de illis autem, ut de
 urina iudicare, qua ratione potes? si, ne dū eam inspicere
 licet in pueris parvis, quorū maior est pars ex ijs, qui
 morbillis afficiuntur. Ecce nullis signis certus fieri po-
 tes immo nec probabiliter opinari de crisis, & evacua-
 tionis integritate. Quibus ergo signis perductus de cri-
 sis, &

Hisp. 2.
ap. 5. 15.

sis, & evacuationis completa perfectione affirmare es-
ausus?

Præterea ad oculum patet (egregie Doctor) quòd
sæpe sapius post morbillorum apparitionem in eadem
intensione febris perseverat, si nou intensior fiat, ergo
non fit crisis perfecta.

Cæterum ad hoc argumentum audiamus solutionē
ex tuo marte (ut asseris) depromptam, dicis enim in
i. tract. fol. 8. pag. 1. quòd febris, quæ sequitur morbillo-
rum eruptionem diversa est, ab illa quæ eam antecedit,
hæc enim putrida est, illa vero nō nisi febris symptoma
ex calore morbillorū veluti erisipelatosam affectionē
in cute excitantium orta, qua de causa (inquis) febris
putrida integrē fuit iudicata per omnimodam transmis-
sionē humoris ad cutim, & respectu illius est crisis per-
fecta subita scilicet mutio ad salutem.

Sed quòd hæc benè consideremus, obsecro verso
enim hoc fundamento totum tuæ sententiæ ædificium
corruere arbitror. In primis, qui á cōmuni discedit sen-
tentia, & novum dogma introducit, efficaci aliqua, &
eleganti ratione id probare tenetur qua ergo ratione
(Doctor illustris) probabis illam iam esse febrem symp-
toma? nullam adducis.

Probo Præterea huius tuæ dogmatis falsitatem si fe-
bris, quæ sequitur morbillorum eruptionem esset febris
symptoma, multo remissior esset, quàm quæ illam ante-
cedit, sed est æqualis, aut intensior, ut concedis, ergo nō
est febris symptoma. Maior probatur, humor efficiens
modo istam febrem symptoma est qui antea efficiebat
putridam cum in venis existeret, ergo non potest mo-
do eiusdem intensiōis febrem producere, ac antea in
venis existens producebat. Antecedens constat, & con-
sequentia probatur, quāto humor proximior est cordi,

tanto intensiorem accendit febrem, & quanto remotior, tanto remissiore, ergo idem humor positus in venis maximis iuxta cor, intensiorem multo febrem producat, quam positus in cuti adeò à corde distante, ergo humor cum efficit morbillos non potest eiusdem intensiōis producere febrem, ac cum in venis existeret, sed constat febrem esse æqualem, aut intensiorem ergo signum est, quòd non est febris symptoma producta ab humore morbillos efficiente.

Sed dices illam febrem produci ratione conturbationis. Contra nam conturbatio præcedit evacuationem, ergo non potest perseverare post evacuationem.

Præterea hoc idem probo diversæ febres diversa adducunt symptomata, & eadē eadē, sed istæ febres eadem afferunt symptomata, nā si ante morbillorum eruptionem æger delirabat postat delirare solet, si cibos abhorrebat, abhorret, si sitiebat, sitit, ergo eadem sunt.

Denique si ista febris symptoma à morbillis fieret, existentibus morbillis semper produceretur, sed interdum copiosis admodum, & ferventibus morbillis in cute efflorescentibus febrem cessasse experimur, ergo febris apparetis post morbillorum eruptionem non producit à morbillis.

Ecce, nulla sunt signa, nec causæ, quibus istæ febres distingui possint, quod cum considero, tuam maximam equidem admiror in febrium natura dignoscenda solertiam, & dexteritatem, quæ à manè ad vespere unam febrem ab altera nullis signis, nullisque notis diversitatē ostendentibus, discernere potest.

Probo præterea in omni morbillorum excretionē esse non fieri perfectam multoties morbillorum eruptio completur duobus, aut tribus diebus, ergo tunc temporis non fiet subita mutatio; antecedens experientia

cōprobat, & consequentia est manifesta, nam mutatio, quæ fit in tribus diebus nō est subita, sed paulatina.

Ad hoc respondet sapientia tua (gravissimè Doctor) in 1. tract. fol. 8. pag. 2. quod ly subito duos, vel tres dies comprehendit, & probat exemplo aliarum crisiū, quæ ad hoc tempus extensæ adhuc sunt crises.

Hæc tamen solutio falsa est proculdubio, nam ly subito unius dici tempus non transcendit secundum mentem Galeni, nā ipse 3. prog. & 2. aph. crisin præcipientem mutationem appellat, qua ergo ratione præceps erit ad duos vel tres dies extensa? clarissimè tamen hoc docet 2. de diebus decretorijs, ubi de quinto die, & 9. asserit: *Subito enim, & universè hi iudicant, &c.* Ecce singulis diebus subitam mutationem, & iudicium tribuit, & subdit Gal. statim: *Quantò autem ulterius morbi excedunt, diuturnioresque sunt perturbatio sanè, quæ præcipientem alterationem præcedit conquiescit, iudicia verò paulatim venientia duos, aut tres dies maxima ex parte occupant, &c.* Ecce Gal. iudicia paulatina duos, aut tres dies occupare docet, ergo sequitur, quod iudicatio subita unum tātum diem occupet; præterea si secundum Gal. doctrinam in hoc loco quanto morbus diuturnior est, tantò ad plures dies iudicatio extenditur, ergo quanto morbus est brevior, & acutior tātò ad pauciores extendetur, sed morbillus est morbus per acutus, ergo brevissimum tempus illius iudicatio occupabit, ac per consequens non poterit extendi ad duos, vel tres dies.

Galen. 3.
prog. I.
2. aph. 23
2. de die-
bus decre-
tal. 5.
Gal. ibid.

Nec exemplum de alijs crisiſibus ad rem est, nā quando in alijs morbis plures dies occupant iudicia, nō erunt crises, sed paulatinæ solutiones.

Nec contra nos est Gal. in eodem cap. dicens: *Contingit autem morbis in veterascenſibus, & iudicia vehementiam perturbationis, & alterationis brevitatem, remittere, & ad duos dies,*



dies, vel tres extendi. Promptū est igitur in hoc crisim, cuicumq;
extribus diebus volueris, attribuere, &c. Hic inquam textus
non est contra nostram doctrinam, nam de paulatinis
iudicijs intelligendus est, ut supra in loco à nobis citato
constat ly autem crisim in præsentī non in rigore, sed
laxè assumit prout paulatinas mutationes, etiam com-
prehendit veluti, & in his libris, & in lib. de cris. aliàs
assumpsit Gal.

Probo id etiam ulterius morbilli apparent primo, &
secundo die, sed tum temporis non est coctio perfec-
ta, nam iste morbus terminatur in 4. & in illo die ha-
bet statum coctionis, ergo in 1. & 2. die non potest fieri
excretio critica, sed symptomatica.

Quod tamen hæc crisis perfecta aliquando contigat
(quod erat secunda pars illius, quod primo diximus)
meo iudicio dubium non habet, nam licet omnia requi-
sita coniungi, difficillimum sit, non tamen est impossi-
bile. Præterquam quod hoc idem experientia nos docuit,
à me enim, & ab omnibus observatum iam est, vehemē-
tē morbillorū febrē post illorum exitum subito cessasse.

Dico 2. in morbillorum eruptione sæpe fit excretio
critica imperfecta, sæpe etiam, & symptomatica. Hoc
dictum habet duas partes in prima dico, quod sæpe fit
crisis imperfecta, subita scilicet mutatio ad melius, &
paulatina ad salutem, quod quidem multoties accide-
re exprimus, nam post morbillorum exitum subito re-
mittitur febris, ipsius postea reliquijs paulatim desinen-
tibus.

In secunda parte assero istam morbillorum excretio-
nem esse symptomaticam sæpe; sed quia desideras au-
thores hoc efferentes, & unum tantum sufficere promit-
tis, ut mutes sententiam, dixisti enim in 2. tract. fol. 5.
pag. 2. *Que por uno solo que lo diga yo quiero sangrar con ellos.*
Audias

Audias præter alios ab alijs citos Marcum Cornaccinū in adnotatione ad tabulam 69. *Ex hac eadem tabella, pater Medicos errare vulgares, quippe qui cum exanthemata inciperunt apparere, a missione sanguinis, vel purgatione suadent abstinere, quasi decretorie, & perfectè semper excernantur, &c.* Ecce si non semper decretorie excernuntur, ergo symptomaticæ, Audias etiam Holerium lib. 2. de febribus curandis proprio cap. *Criticæ sunt interdum huiusmodi papulæ, &c.* Ergo interdum non sunt criticæ, sed symptomaticæ. Audias quoque Ioannem Hucherium in lib. de diæta puerorū: *Quoad eos qui iam emicant, siue critici sint, siue symptomatici, &c.* Ecce qui manifestè dicūt authores morbillos esse symptomaticos, & certe si promissis stādum est, iam sententiā mutare teneris; & in unum versum hoc deinceps probatur, nā Avicena in loco citato, Herculanus, & alij adducunt signa morbilli læthalis, hunc tamen necessario symptomaticè erumpere certum est, ergo iam datur excretio morbillorum symptomatica.

Verum & in benignioribus morbillis, sæpe fieri excretionem symptomaticè deinceps probabo, advertendo prius. Multis modis posse apparere morbillos symptomaticè; supponendo, eos omnes convenire in hoc, quod absque coctione, & in tempore eruditatis fiant, hoc enim est symptomaticè accidere. Primus autem modus, quo morbilli symptomaticè appareant, est criticè ad malum, quando nimirum, præcedente conturbatione, & morbillorum excretionem fit subita mutatio ad peius, febre quidem, & reliquis accidentibus multo intensioribus factis, aut alijs deterioribus denuò advenientibus, in quo casu apparitio morbillorum est symptomatica, quia in tempore eruditatis critica tamen ad malum, quia præcessit conturbatio & sequuta est subita mutatio ad peius.

Huius

Huius casus possibilitatem negare non possumus, nam propter multitudinem humoris, aut maligniorem conditionē, aut ob viarum, per quas humor debet expelli, angustias, eo conatu cogitur expellere natura, quod vehementer moveat, & conturbet humores, non modò ad cutim, verum ad interiora eos membra transmittens, ex quo subitam mutationem ad peius fieri, est necessarium. An verò etiam possit fieri subita mutatio critica ad mortem? possit quis dubitare, ego quidē huiusmodi crism non dum vidi, illius tamen possibilitatem non nego.

Secundus modus, quo morbilli symptomaticè erumpunt, est absque crisi, quando scilicet præcedente conturbatione, & excretionē nulla sequitur in febre mutatio, sed in eadem manet intensio, nam quamvis detur conturbatio, & certamen naturæ, & sequatur excretio, si non fiat subita mutatio, non datur crisis, docet id

Gal. I. de Gal. I. de cris. per hæc verba; Contingit autem neque in primis accidentibus, quæ tantum sunt signa crisis (hæc sunt accidentia conturbationis) neque in secundis, quæ & signorum, & causarum vim habent (hæc sunt evacuationes, & abscessus) crism ex necessitate sequi, &c. Et in hoc sensu est intel-

Hip. 2. de ligendus Hip. 2. de morbis vulgaribus dicens: Decretoria, quæ non decernunt, quædam læthalia sunt, quædam difficultet decernunt. Hoc est, quando apparent signa decretoria, seu critica, & non decernunt, id est, non decernunt ad bonū, quædam læthalia sunt, ea scilicet, quæ decernunt ad malum, quædam difficultet decernunt, ea nimirū, ad quæ nulla sequitur crisis neque ad bonum, neque ad malū quod est ad sensum traditæ doctrinæ.

Huius tamen modi excretionis causam esse arbitror abundantiam, & vitium humoris, quorum ratione cum à natura ad excretionem moveretur, aliqua illius portio de

de novo accenditur, ita quod quantum ratione excretionis humoris febris remitti debebat, tantum illi ob novum accensum humorem addatur, manente hoc modo febre in eadem proportionem. Hoc autem prædicto modo de facto contingere, quam pluribus eventibus suadet experientia.

Tertius modus quo morbilli symptomaticè apparèt, est, quando post illorum apparitionem fit subita, mutatio ad peius absque crisi, solet enim (non præcedente autem conturbatione) cum natura excrevit, intensius calefieri humor ob motum, & inde intensiorem febrem produci, est necessariū, qui modus excretionis cōmunissimus est. Quod autem possit fieri subita mutatio absque crisi infráprobabo.

Dico tertio in morbillorum apparitione, sæpe fit excretio, neque criticè, neque symptomaticè, hic autem casus potest fieri duobus modis. Primo facta subita mutatione ad melius. Secundò facta paulatino motu ad salutem. Primò modo sic accidit, quando est concocta materia, & non præcedente conturbatione subitò eam expellit natura fit subita mutatio ad melius, vel ad salutem, absque crisi: non est quidem hæc excretio symptomatica, quia facta fuit post coctionem: non est critica, quia quamvis sequuta fuit subita mutatio, non tamen præcessit conturbatio, & certamen naturæ cum morbo, sine quo crisis non fit docente Gal. 3. de crisi. contingit ergo, *Gal. 3. de crisi. 7. 2.* naturam interdum materiam expellere; non tamen ob minorem irritationem certare, & pugnare unde fit subita excretio, & mutatio absque cōturbatione, & hic modus communis est, & à nobis frequenter expertus itaq; absque crisi accidit subita mutatio, aut ad salutem, aut ad melius, advertendo tamen quod in morbillis gravioribus, & vehementioribus hæc subita mutatio ad salutem

te fieri nō potest absq; crisi benè tamen in levioribus,
nam magna est in illis humoris copia quam omnino à
natura subito expelli non magno adhibito conatu, est
impossibile, ad conatum tamen illum conturbationem
sequi, est necessarium, cum verò ad paucioris materiæ
expulsionē minor sufficiat conatus, ideo ad illius om-
nimodam excretionem non est necessarium, quòd præ-
cedat conturbatio, & de his morbis vehementibus est
intelligendus Gal. 3. de cris. quando dicebat: *Nemo siqui-*
dem subito morbum erasit sine crisi, multi verò, sine hac subit, in-
tererunt, &c. Nam in levioribus morbis, talis mutatio su-
bita ad salutem bene accidit, sine crisi. & secundum hanc
doctrinam desumemus regulam ad discernendas eva-
cuationes, quæ fiunt tentate natura crism ab illis, quæ
aliter accidunt, nam in illis cum evacuationem contur-
batio præcedat, talisq; evacuatio à natura certante ori-
tur, eas dignoscemus in eo quod conturbationē sequun-
tur: in his verò, cum fiant non iudicationis ratione con-
turbatio non præcedit. Quo modo cōmuniter eveniunt
evacuaciones in ægrotantibus, sudores enim alvi fluxus,
profluvium sanguinis, & alia, quæ communiter apud
ægrotantes quotidie videmus, non sunt criticae eva-
cuationes. Hoc autem ad mentem est Gal. in 1. protih. di-
centis: *Sudor verò tanquam symptoma, & non iudicatorius, aut*
redundantiæ, aut retræctis facultatis imbecillitatem indicat, &c.
Et in text. 30. sequente eadem doctrinam in universum
tradit & in text. 64. de alvi fluxu idem fatetur asserens:
Contingitque ægrum copiose fluente alvo, perniciosè habere, non
iudicationis scilicet ratione natura contristantes humores deor-
sum excernente, sed propter facultatis, quæ in hepate est, imbecilli-
tatem, &c. Et ex hac doctrina colligemus, quando eva-
cuationes diminutæ, aut sunt prave, & læthales, aut nō,
nam quando cōtingunt per modum iudicationis, & na-
tura,

Gal. 3. de
cris. 9.]

Text. 30.
eiusdē lib.
text. 64.
eiusdē lib.

tura certante, & tētante crīsim deterrimæ sunt, naturam enim morbo succumbi, demonstrant, iuxta doctrinam habitam 2. epid. decretoria non decernentia, &c. Et in hoc sensu intelligantur Hip. & Gal. 1. protih. quando stillam sanguinis tantopere damnant, & quando in eodem 1. protih. omnes evacuationes diminutas vituperant. At, cum diminutæ evacuationes accidunt non per modum iudicationis, nullum malum præter irritationem aliquam, aut multitudinem, aut imbecillitatem indicant, non enim ostenditur, naturam totis suis viribus tentasse evacuationem, & nō posse eam perficere. Qua ratione quotidie apud ægrotantes stillam sanguinis, aut aliā diminutam evacuationem conspiciamus, sine periculo tantopere à veteribus celebrato, sciendum tamen est, quòd ista subita mutatio ad melius, quam neque criticam, neque symptomaticam esse diximus, potest esse etiam symptomatica, natura enim aliquā humoris portionem citra coctionem, & non præcedente conturbatione ad cutim transmittens, talis mutationis est causa.

Secundus autem modus, quo morbilli neque critique, neque symptomaticè erumpunt, erat, nisi fallor, paulatinus motus ad salutem, qui modus etiam frequentissimus est, experimur enim apparitionem morbillorū non subito fieri multoties, sed paulatim per duos, tres, aut quatuor dies, paulatimque inde etiam in eodem dierū numero febrem remitti. Qui modus accidit, cum natura non sufficienter irritatur ad subito expellendum, ob levitatem affectus, aut si irritatur, ob aliquod impedimentum subito non expellit. Ista tamen paulatina excretio, aut fit absque coctione, & erit symptomatica, aut fit præcedente coctione, & non symptomatica, sed bona evacuatio erit. Et denique aut iste paulatinus motus fit præcedente conturbatione, & accidet per modū

Hip. 2. epid. sect. 1.

Hip. & Gal. 1. protih. 1. & 1. protih. comm. 2. text. 49.

iudicationis veluti quædam diminuta evacuatio, aut fit sine tali conturbatione, & non accidit ratione iudicij, sed tanquam paulatina quædam solutio morbi.

Sed dices (eruditissimè Doctor) si morbilli sæpè erumpunt symptomaticè, qua ratione omnes liberantur, siquidè omnes evacuationes symptomaticæ pravae sunt.

Ad hoc respondeo, non omnes liberari à morbillis, dantur enim morbilli læthales, à quibus ægri non solènt liberari. Avicena enim herculanus, & alij adducit signa morbilli læthalis, quod si nullus læthalis datur, delirant quidem isti authores, cum illius signa afferunt, & ex benignioribus, aliqui in mortè deveniēt si malè tractentur, aut febrem, aut aliud accidens impofterum curā dum relinquent. Et licet omnes liberentur non implicat, quòd illa expulsio sit symptomatica, nā in hoc morbo propter tenuitatem materiæ facile eam superat natura, potissimum cum ex onerata manet post alicuius materiæ excretionem ad cutim. Omitto hic doctrinas generales, de evacuationibus symptomaticis, an semper male sint sufficiat scire, quòd tanquam causæ possunt esse bonæ & prodesse.

Sed inquires quibus signis cognosces excretionem istam esse symptomaticam.

Respondeo, quòd in quibus urina inspici potest ex eo, quòd illa non sit cocta. Secundo ex tempore, in quo fit excretio, nā si fiat in primo, & secundo die erit symptomatica, cum tum temporis non possit esse cocta materia. Tertiò ex eo, quòd non remittitur febris, nam licet possit remitti cum tamen non remittitur, symptomatica est. Quartò ex eo, quòd dum fit cum gravibus accedit symptomatibus.

Ex his omnibus constat, quot modis erumpant morbilli, & ideo authores de illis agentes non asserunt in
illorum

15

illorum excretionē fieri crīsim, sed exire morbillos per modum crīsis, ut ostendant non semper esse crīsim, sed interdum esse quid simile crīsi.

His iam suppositis ad difficultatē respondeo aliquibus conclusionibus, quarum prima est. Apparentibus morbillis, si morbus sit integre iudicatus, aut integre iudicandum speramus, sanguis mittendus non est.

Hæc conclusio ab omnibus admittitur, & est iuxta celebrem sententiam Hip. 1. aph. habitam: *Quæ indicantur, & indicata sunt integre, &c.* Qui iudicatus fuerit morbillus facile dignoscetur, febris enim, & reliqua ac cidentia iam soluta erunt. Qui adhuc in iudicio existit, difficilius cognoscetur, quod integre sit iudicandus. Asseretur id tamen ex eo, quod pro redundantis humoris in die critico, antea iam indicati, quod præcedat coctio, & quod incepta excretionē melius se habeat æger, & omnia remittatur. Hæc omnia nos docent integrum fore iudicium, quare totum negotium naturæ commitemus, illius motum tantum adiuvando.

Sit secunda cōclusio erūpentibus morbillis si nō integre excrevit natura, aut iudicamus non integre expulsum, sanguis mittendus est.

Prima pars conclusionis videlicet, quod si natura nō excrevit integre, sanguis mittatur ab omnibus conceditur, & à te etiam (gravissimè Doctor) in 1. tract. fol. 10. pag. 2. nos enim id, in quo natura de fecit, perficere debemus.

In secunda autem parte conclusionis tota consistit difficultas, & in primis, quod defacto possit non omnino expelli materia morbifica, à te etiam (gravissimè Doctor) conceditur in tract. 2. fol. 10. pag. 2. difficultas tamen est, in cognoscendo, dum actu expellit naturam, quod

quòd non expellet omnino, quod dicemus, ante huius articuli probationem. Assequemur igitur hoc in quibus urina reservari potest, ex illius eruditate, & in omnibus expulsu, & respirazione, & ex accidentibus plenitudinē tam eam, quæ ad vasa, quam, quæ ad vires refertur, ostendentibus, & ex alijs, quæ evacuationem symptomaticam indicare supra diximus. Inter omnia tamen præstantius signum, ex febre, & ex accidentibus eam consequentibus, desumitur, perseverantibus enim febre, & accidentibus iudicabimus non integrè expulsuram ex eo, quod excretio est symptomatica, adsitq; plenitudo, & quia novum continuè accendi humorem ob motum expulsionis, indicatur. Quò fit, quòd febre, & accidentibus post morbillorum apparitionem adhuc persistentibus, naturam non integrè expulsuram merito iudicabimus.

Ista conclusio est ad mentem Hip. & Gal. 2. aph. 15. ubi fauces ægroiāt, &c. Nulla enim alia ratione iubent evacuationem fieri, nisi quando totus humor non est expulsus, nec videtur expellendus.

Hoc supposito istam præterea conclusionis partem probo, dum erumpunt morbilli, non est vena secanda, ergo neque antequam erumpant: consequentia probatur duabus rationibus: prima est. Crisis perfecta, dum parata est fieri, nullomodo est impedienda, sed facta venæ sectione ante morbillorum eruptionem, impeditur crisis fieri parata, ergo non est exercenda, maior est nota, & minor probatur, per venæ sectionem movet humores natura per te ab exterioribus ad interiora, ergo per venæ sectionem divertetur à motu ad exteriora, ergo impeditur motus ad exteriora, ergo quando accedis ad ægros, co ipso, quòd cognoscas, morbillos esse, teneris à venæ sectione abstinere, etiam si non dum apparuerint

mor-

morbilli, hoc autem quam falsum, & ridiculum sit, considera.

Secunda ratio, qua probō, ante eruptionem non esse mittendum sanguinem, est, hi morbilli, in quibus mittis sanguinem, si naturæ relinquantur integrè à natura iudicabūtur, nam natura suo iuri relicta expellet, & eo ipso, quod expellat, integrè expellet, ergo superfluum est sanguinem mittere ante illorum apparitionem, & sic gradatim deveniemus ad hoc, quod nec medici sunt necessarij ad morbillos, immo & quod frustra de illis tractarunt authores.

Secundò sic probō conclusionem, datur indicans sanguinis missionis cū morbilli erūpant, ergo potest mitti sanguis, cum iudicamus excretionem non fore integrā. Antecedēs probō, datur plenitudo, aut quoad vasa, aut quoad vires, ergo datur indicās. Quod detur plenitudo ad vasa (quā negas clarissime Doctor, cū primo erūpere incipiunt morbilli) sic probō, incidat in morbillum aliquis cum plenitudine ad vasa; hæc potest perseverare adhuc in ipsa apparitione morbillorum, ergo sanguis mittendus est, consequentia legitima est, nam sapientia tua cōcedit, quod si talis plenitudo reperiretur, sanguis posset mitti, maior nota est. Minor verò probatur, si plenitudo quoad vasa non potest permanere erumpentibus iam morbillis, maximè ob duas rationes. Prima, quia humor morbillos efficiens tenuis est, atque ideo, cum morbilli apparent, iam resoluta est ea quantitas, quæ plenitudinem constituebat, hanc rationem adducis in 2. tract. fol. 9 pag. 2. Secunda ratio est, quia morbillus fit ex sanguine bilioso, ex quo fieri plenitudo, quoad vasa non potest, istam rationem adducis in 2. tract. fol. 10. pag. 1. sed utraque ista ratio non valet, ergo sanguis mitti potest: minorem probō quoad partem, quod

quòd possit reperiri plenitudo ad vasa, plenitudo ad vasa, quæ erat ante eruptionem morbillorum, potest perserverare, ergo minor probatur quantum de sanguine resoluitur tãtum illè ratione. liquefactionis à febre factæ augetur, cum nō sit ratio ob quam hoc fieri non possit, ergo si crescit sanguis ratione liquefactionis, quantum ratione resolutionis minuitur, in eadẽ proportionẽ manebit illius quantitas, & dabitur plenitudo.

Præterea hoc idem sic probo, supponamus in Petro per duos, aut tres dies febris posse resolvi unam libram sanguinis, & supponamus istum incidere in hunc morbum cum plenitudine ad vasa ut duo, hoc enim suppositum non implicat, in hoc post tres dies, cum erumpũt morbilli, erit plenitudo ad vasa, ut unum, ergo dari potest ista plenitudo.

Uterius hoc idem probo, incidat ægrotus in hunc morbum cum magna plenitudine, cui quidem incipiãt erumpere morbilli in secundo die, ut sæpe accidit, in hoc casu incredibile est, quòd in unico die tanta sanguinis copia resolvatur, ergo reperiri potest plenitudo quoad vasa.

Denique in hunc modum hanc veritatem probo, erumpentibus morbillis potest dari plenitudo quo ad vires per te, ergo potest etiam dari plenitudo quo ad vasa. Consequentiam probo, non potuit vi febris resolvi quantitas sanguinis efficientis plenitudinem quo ad vires, igitur non poterit etiam resolvi quãtitas illius efficientis plenitudinem quo ad vasa.

Deinceps pro hac eadẽ parte sit arguo, post motum eruptionis morbillorum, solet manere intra venas humor putridus, qui non potuit expelli, ut conceditur à te (egregie ad modum Doctor) in 2. tract. fol. 10. pag. 2. interrogo, iste humor, aut nō potuit expelli, ob plenitudinem

dinem quoad vires, aut ob plenitudinem quoad vasa? non ratione plenitudinis quoad vires, nam ad hanc tollendam sufficere, asseris frictiones, & cucurbitulas, & cum in hoc casu non suffecerint, signum est, quod ob plenitudinem, quoad vasa non potuit humor omnino expelli, igitur potest dari hæc plenitudo.

Præterea sic insurgo pro hac parte si morbilli fierent ex sanguine crasso, posset quidem illis erumpentibus reperiri plenitudo quoad vasa, sed morbillus sit etiam ex sanguine crasso, ergo, &c. Maior est secundum fundamentum à te traditum, & minor probatur, dantur morbilli scirrhodes qui fiunt ex sanguine crasso, & melâchlico, ergo dantur morbilli facti ex sanguine crasso, antecedens à te negari non potest, tua enim verba continet asseris enim in 1. tract. fol. 8. pag. 1. *Eristo sarampiones scirrhodes*, &c. Et pariter nō potest negari consequentia, nam morbilli scirrhodes necessario, fiunt ex sanguine crasso, igitur in his poterit perseverare plenitudo quoad vasa, ac per consequens poterit mitti sanguis.

Tandem hoc idem probo in adultis, & natu grandioribus potest perseverare plenitudo quoad vasa: ergo saltem in illis potest mitti sanguis. Antecedens probatur adulti habent sanguinē crassum, ergo in illis non resolvitur sanguis veluti in pueris igitur velis, nolis debes concedere, quod in his possit perseverare plenitudo quoad vasa.

Nec secunda ratio à te adducta, propter quam non potest reperiri plenitudo quoad vasa, vera est, inquis enim, ex sanguine bilioso non fieri plenitudinem, hoc enim est contra omnium medicorum sententiam, nam licet plenitudo simpliciter fiat, ex omnibus humoribus, aut ex solo sanguine plenitudo tamen secundum quid sit ex sanguine, & alio humore abundantibus, unde da-

*Galen. in
lib. de ple
nit. ultri.*

tur plenitudo biliosa, pituitosa, & melancholica, doctrina est Gal. in lib. de plenitudine. Qua ratione in morbillis, benè potest reperiri plenitudo quoad vasa biliosa.

Quod tamen erumpentibus morbillis reperitur plenitudo quoad vires, non est, cur probemus, siquidem à te conceditur, in 2. eract. fol. 9. pag. 2. quod tamen hæc plenitudo ad vires sufficiat, ut sanguis mittatur, probare oportet.

Hoc autem sic probo. primo plenitudo quoad vires citius tollenda est, quam plenitudo quoad vasa, nam ex illa, plusquam ex hac periculi impendet communiter, ergo si in plenitudine quoad vasa mittitur sanguis, ergo & in plenitudine quoad vires.

Secundo hoc idem probo, cū expellit natura, si adsit plenitudo quoad vires respectu expultricis facultatis, non poterit expellere integrè, ergo ut expellat, debemus eam exonerare, facta sanguinis missione.

Sed respondebis (gravissimè Doctor) naturam debere exonerari in hoc casu per frictiones, & cucurbitulas, quæ tuta, & secura sunt remedia.

Sed contra sic argumētor. detur magna plenitudo ad vires hæc indicat, magnum remedium, ergo non potest indicare cucurbitulas, & frictiones, quæ sūt parva remedia, sed sanguinis missione, quæ est remedium magnū.

Sed ad hæc omnia dices fortè (sapiētissimè Doctor) te concendere dari indicans venæ sectionis, cæterum reperiri etiā prohibens, & hac ratione non debere exerceri, sed quia nullo alio modo melius probabitur, nullum reperiri prohibens, quam diluendo ea, quæ tanquam prohibentia obijcis, ideo ad eorum solutionem iam propero.

Obijcis primo (gravissimè Doctor) per venæ sectionem

nem

nem movetur sanguis ab exterioribus partibus ad interiores, ut constat ex Gal. 4. de sanitate tuend. ergo erum *Gal. 4. de*
 pentibus morbillis exercenda non est. Cōsequentia pro *san. tuen.*
 batur, erumpentibus morbillis movetur sanguis ab in- 10.
 terioribus ad exteriora, ergo venæ sectio impedit istum
 motum, siquidem causat motum contrarium, ergo exer-
 cenda non est.

Hoc argumentum petit duas difficultates. Prima est,
 an sanguis extra venas expulsus possit iterum ad illas
 regredi? Secunda est, an per venæ sectionē sanguis mo-
 veatur ab interioribus ad exteriora, aut e contra? Circa
 primam difficultatem nollo immorari, sed breviter di-
 co, talem regressum possibilem esse. Circa secundam di-
 co primo, quod respectu partis, in qua vena secatur, mo-
 vetur sanguis ab interioribus ad exteriora, siquidem
 sanguis situs in alto corpore ad partem externā, in qua
 vena secatur, movetur. Dico secundo. Respectu totius
 circumferentiæ corporis, præter partem, in qua vena se-
 catur, sanguis per venæ sectionē debet moveri vi illius
 ab exterioribus ad interiora, intelligendo per interiora
 venas maiores, hoc autem accidit dupliciter. Primo dū
 fit sanguinis missio. Secundō postquam facta est, dum fit
 venæ sectio, movetur sanguis ad interiores venas hoc
 modo, venæ exteriores sanguinem versūs sectam venā
 expellunt, ad quam, ut perveniatur, cum debeat fieri
 transitus per venas interiores, ideo externæ venæ, cum
 ad venam sectam mittere sanguinem conantur, prius
 illum ad interiores transmittunt. Postquam tamen fac-
 ta est sanguinis missio, movetur sanguis ab exteriori-
 bus ad interiora, attractus quidem ab interioribus, nam
 venæ internæ inanitæ trahunt ab exterioribus venis.
 Hic tamen motus sanguinis licet vi venæ sectionis præ-
 dicto modo fieri debeat, impeditur, tamen ob aliquas

causas. Primò quando adest plenitudo quoad vasa, in hac enim nequè dum fit venæ sectio, neque postquam facta est, sanguis ab exterioribus ad interiora movetur: non, dum fit, nam licet partes externæ expellant, internæ tamè venæ, quia plenæ, non recipiunt: non, postquàm facta est, nam cum in plenitudine post venam sectam sufficiens pro nutritione detur sanguinis copia, venæ internæ sanguinem aliunde trahere nò compelluntur. Secundò impeditur etiam iste motus sanguinis aliqua ex parte, cum sanguis in ea proportionè reperiatur, quòd licet multus non sit, pro alendo tamen corpore sufficiens existit, & in hoc casu movetur sanguis ad interiora, dum vena secatur, quia venæ externæ expellunt, & internæ recipiunt, eo quòd plenæ non sunt: post venæ sectionem tamen sanguinis iste motus ad interiora non datur, nam licet sanguis multus non sit, est autem sufficiens pronutriendo corpore. Ad argumentū ergo respondetur, quòd cum adest plenitudo, non movetur sanguis ad interiora ut dictum est. Si verò hæc non adsit, ad est tamen sufficiens sanguinis copia, ob quam licet, dum fit venæ sectio, moveatur sanguis ad interiora, post venam tamen sectam uon movetur, itaque tantum impeditur motus sanguinis ad exteriora, dum vena secatur, & maior est utilitas, quæ sequitur ex eo, quòd ex onerata natura, quòd reliquum est, fortius in posterum expellat, quam noxa ex illa levi brevique sanguinis retractione.

Secundò obijcis, per sanguinis missionem intendimus, quòd natura expellat, ergo si iam expellit, non est cur fiat venæ sectio.

Ad hoc respondetur, quòd per venæ sectionem curamus, quòd natura expellat completè, atque ideo, cum suspicamur excretionem fore incompletam, mittimus sanguinem, ut levata natura, excretionem compleat.

Tertio

Tertiò obijcis nullus moritur ex morbillis, ergo non est, cur acceleremus venæ sectionem, sed securius erit expectare, quousque motus ad exteriora cefet.

Ad hoc responderetur ex morbillis etiam aliquos mori, ut constat ex Avic. Mamard. vidio vidio Mercuriali, & alijs, alioqui enim non afferrent signa morbilli læthali, ut supradictum est, atque ideo cum oportet, non est differenda venæ sectio, ne corrumpatur sanguis, & aut interet æger, aut affectus difficillis, & longæ curationis reddatur. Audias obsecro, de hoc tuum ammantisimum Mercatum in proprio cap. inquit enim: *Cuius corruptio, si postquam incepit à medio recedere, & à nature beneficio, & correctione deviare, diu in corpore vagari permittatur, ingentis corruptionis, ac sepe mortis est causa, &c.* Mercatus c. proprio.

Obijcis quarto licet sit diminuta evacuatio non est adiuuanda, donec cesset, ergo dum exeunt morbilli non est exercenda aliqua evacuatio: antecedens probas ex Gal. 9. Menh. 5. in text. Itaque si tempore mittendi sanguinem, &c. Galen. 9. Menh. 5.

Ad hoc responderetur, quod non debemus expectare, ut motus sedetur ad adiuuendum illum per se, aut per accidens, sed sufficit, quod iudicemus non fore completum, & locus Gal. à te adductus, tantum abest, quod tuâ probat sententiam, quod potius nostram confirmet, nã asserit, quod si fluente sanguine iudicaverimus fore sufficientem illam evacuationem, nihil agamus, sin vero, quod fiat sanguinis extractio taliter, quod ex utraque evacuatione, quod expostulamus, compleatur, nam si hic Galenus doceret, quod antequam vena secetur, finita iam sit sanguinis evacuatio, non dixisset, satis fore videbitur, sed satis fuisse videatur.

Sit tertia conclusio, cum dubitamus de integritate

expulsionis, & de necessitate venæ sectionis, sanguis mittendus est, iam apparentibus morbillis, hæc conclusio probatur maior sequitur noxa ex omissione venæ sectionis cum necessaria est, quam ex illius administratione, cum illa non est opus, ergo in casu dubitationis, melius ac tutius est illam exercere. Antecedens probatur, ex omissione necessariae venæ sectionis plura sequuntur nocumenta, manet enim febris curanda post morbillorum evanescentiam, vires sunt debiles non sustinentes evacuationes, & tumores maligni solent generari, ex quibus omnibus, aut mors, aut longus morbus expectari potest. At verò cum administratur citra necessitatem nullum affert nocumentum, sed potius utilis est sufficiente sanguinis copia existentente, nam facilius expellet natura, & tutior reddetur morbus, pro hoc autem, quod diximus de utili, & non necessaria venæ sectione est sciendum, dari venæ sectionem, necessariam, & utilem. Necessaria est, quando sanguis est supra vires naturæ adeo, quod non possit ab illa superari: utilis est quando causa est inferior naturæ, cæterum ut facilius & securius natura superet, conducit venæ sectio, & in hoc casu licet venæ sectio non sit necessaria, erit tamen utilis, atque ideo nullum est inconveniens, quod exercetur. Et secundum hanc doctrinam intelligendus est difficilis Avicennæ locus in fen. 4. i. capit. 20. ubi asserit:

*Avic. 4. Non nunquam etiam in ipsis febribus fit venæ sectio, licet ea opus
I. c. 20. non sit, &c.* Qui locus difficilis apparet, nam si fit venæ sectio, quomodo non est necessaria? etsi non est necessaria quomodo fit? & secundum traditam doctrinam, facile exponitur, nam sæpe in febribus fit venæ sectio non propter necessitatem, quia sine illa posset natura superare causam inorbificam, sed ob utilitatem administra-

nistratur, quia ea administrata, citius, & securius superabit natura, & hoc modo manet verum, quod non nunquam fit venæ sectio, quia utilis est, quamvis non sit necessaria.

His pacato animo consideratis, á tua te (doctissimè Doctor) discedere sententia non dubito, inter sapientes enim merito numeraris, quorum proprium est mutare consilium, vale.

L A V S D E O.



